



U P U T S T V O

**o načinu rada i izvještavanju izborne komisije
osnovne izborne jedinice u Bosni i Hercegovini**

Na osnovu člana 2.9 stav (1) i (2), a u vezi člana 2.13 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je na 17. sjednici, održanoj 04.05.2022. godine, donijela je

U P U T S T V O

o načinu rada i izvještavanju izborne komisije osnovne izborne jedinice u Bosni i Hercegovini

Član 1. (Primjena)

Ovim Uputstvom utvrđuje se način rada i izvještavanje izborne komisije osnovne izborne jedinice u Bosni i Hercegovini (u daljnjem tekstu: Uputstvo) u okviru nadležnosti iz člana 2.13 Izbornog zakona Bosne i Hercegovine.

Član 2. (Raspodjela zaduženja)

(1) Predsjednik i članovi izborne komisije će, u cilju efikasnog i blagovremenog obavljanja svih poslova iz zakonom utvrđene nadležnosti iz člana 1. ovog Uputstva, izvršiti internu raspodjelu zaduženja, na način da se osigura efikasno i zakonito izvršavanje svih obaveza iz nadležnosti izborne komisije.

(2) O raspodjeli zaduženja iz stava (1) ovog člana, izborna komisija donosi posebnu odluku.

(3) Izborna komisija može imati sekretara i/ili tehničkog sekretara.

Član 3. (Poslovnik izborne komisije)

Izborna komisija je obavezna donijeti Poslovnik o radu kojim će propisati: način sazivanja sjednice, predsjedavanje sjednicom, utvrđivanje dnevnog reda za sjednicu, način odlučivanja i donošenja odluka na sjednici, održavanje reda na sjednici, vođenje zapisnika sa sjednice i način njihovog dostavljanja članovima izborne komisije, čuvanje službenih materijala izborne komisije i način njihovog arhiviranja i sva druga pitanja u vezi osiguranja efikasnog i zakonitog rada izborne komisije.

Član 4. (Javnost rada)

Rad izborne komisije je javan.

Javnost rada izborne komisije osigurava se:

- a) obavještavanjem javnosti o održavanju sjednice izborne komisije, na web-stranici izborne komisije ili općine,
- b) omogućavanjem akreditiranim posmatračima praćenje rada i posmatranje svih drugih aktivnosti izborne komisije, osim ako izborna komisija, u interesu morala, javnog reda ili nacionalne

- sigurnosti u demokratskom društvu ili u drugim slučajevima utvrđenim Poslovníkom o radu izborne komisije, odluči drugačije,
- c) davanjem saopćenja o aktivnostima izborne komisije,
 - d) davanjem obavještenja o toku postupka,
 - e) održavanjem konferencija za javnost,
 - f) omogućavanjem posmatračima političkih subjekata, udruženjima građana i međunarodnim posmatračima da prisustvuju sjednicama izborne komisije, da posmatraju druge aktivnosti izborne komisije, kao i da imaju pristup svim relevantnim dokumentima u skladu sa zakonom, osim ako izborna komisija, u interesu morala, javnog reda ili nacionalne sigurnosti u demokratskom društvu ili u drugim slučajevima utvrđenim Poslovníkom o radu izborne komisije, odluči drugačije i
 - g) objavljivanjem donesenih odluka, putem web-stranice izborne komisije ili web-stranice općine i/ili oglasne table općine ili na drugi način koji odredi izborna komisija.

Član 5. **(Izveštavanje Centralne izborne komisije BiH)**

Izborna komisija je obavezna do 31.01. tekuće godine dostaviti Centralnoj izbornoj komisiji BiH izvještaj o radu, za prethodnu godinu i najmanje jednom mjesečno izvještavati Centralnu izbornu komisiju BiH prema obrascu (MIOROIJ) koji je sastavni dio ovog Uputstva, elektronskim putem.

Član 6. **(Obuka)**

Izborna komisija je dužna stalno se obučavati i usavršavati, te vršiti obuku na način kako je utvrđeno planom i programom koji je donijela Centralna izborna komisija BiH, kao i planom obuke koji donosi izborna komisija na početku svake kalendarske godine, a na osnovu i u skladu sa planom i programom Centralne izborne komisije BiH.

Član 7. **(Arhiva izborne komisije)**

- (1) Izborna komisija je obavezna osigurati uredno arhiviranje i evidenciju službene dokumentacije izborne komisije kao i omogućiti njeno sigurno čuvanje i upotrebu, u skladu sa zakonom.
- (2) O načinu arhiviranja iz stava (1) ovog člana izborna komisija će donijeti poseban akt.

Član 8. **(Koordiniranje i nadgledanje rada izborne komisije osnovne izborne jedinice u BiH)**

- 1) Pisana korespondencija i dostava dokumenata između Centralne izborne komisije BiH i izborne komisije osnovne izborne jedinice vrši se isključivo putem službenog e-maila koji je za navedene potrebe uspostavila Centralna izborna komisija BiH za svaku izbornu komisiju (e-mail adresa u formatu, "*kod osnovne izborne jedinice@oik.izbori.ba*"), a izuzetno po potrebi poštanskom dostavom.
- 2) Izborna komisija osnovne izborne jedinice u BiH obavezna je osigurati redovnu provjeru pristigle pošte na službenoj e-mail adresi, u neizbornom periodu najmanje jednom tokom radnog dana, a u izbornom periodu neprekidno, u skladu sa izbornim aktivnostima.

3) Centralna izborna komisija BiH će metodom slučajnog uzorka, kao i u slučaju opravdanih razloga, u svakoj kalendarskoj godini izvršiti neposredan uvid u rad sa dokumentacijom i arhivom određenog broja izbornih komisija osnovne izborne jedinice u BiH, i o tome sačiniti izvještaj. Metodologija i postupak nadgledanja rada izborne komisije osnovne izborne jedinice u BiH biće utvrđeni posebnim aktom.

Član 9.
(Propisi obuhvaćeni ovim Uputstvom)

Danom stupanja na snagu ovog Uputstva prestaje sa važenjem Uputstvo o načinu rada i izvještavanja izborne komisije osnovne izborne jedinice u Bosni i Hercegovini, broj: 05-1-02-2-628-1/16 od 26. 05. 2016. godine.

Član 10.
(Objava)

Ovo Uputstvo stupa na snagu danom donošenja, a objavit će se na internet-stranici Centralne izborne komisije BiH www.izbori.ba.

Broj: 05-1-02-2-622-1/22
Sarajevo, 04.05.2022. godine





Mjesečni izvještaj o radu izborne komisije osnovne izborne
jedinice

Popunjavanje upitnika izvršiti zaokruživanjem broja ispred željenog odgovora na kraju
izvještajnog perioda (na kraju mjeseca)

1. Naziv izborne komisije koja podnosi izvještaj: _____

2. Prezime i ime osobe koja popunjava
izvještaj: _____

3. Funkcija osobe u izbornoj komisiji:

- a. Predsjednik izborne komisije
- b. Član izborne komisije
- c. Sekretar izborne komisije

4. Izvještajni period za mjesec/godina _____

5. Da li ste primili nadoknadu za svoj rad u prethodnom mjesecu?

- a. Da
- b. Ne
- c. Djelimično

6. Visina nadoknade za rad u izbornoj komisiji (navesti visinu iznosa)

- a. Predsjednik IK _____
- b. Član IK _____
- c. Sekretar IK _____
- d. Ostalo _____

7. Da li izborna komisija ima materijalno-tehničku podršku organa općine?

- a. Da
- b. Ne
- c. Djelimično (navesti koja vrsta podrške je izostala)

8. Koliko ste održali sjednica izborne komisije u toku prethodnog mjeseca?

- a. Jednu sjednicu
- b. Više sjednica (Ako je odgovor b. navesti broj sjednica) _____
- c. Nije održana sjednica (navesti razlog neodržavanja sjednice)

9. Da li su svi članovi izborne komisije prisustvovali sjednici?

- a. Da
- b. Ne

(ukoliko je odgovor NE potrebno je navesti koji član **nije prisustvovao** sjednici i razlog)

Ime i prezime _____

Razlog ako je poznat: _____

10. Navesti bitna dešavanja u izvještajnom periodu (odluke, postignuća i probleme)

IZVJEŠTAJ O RADU, NADGLEDANJU I KONTROLI CENTRA ZA BIRAČKI

SPISAK (CBS)

11. Da li je CBS imao posjete birača radi provjere biračkog prava?

- a. Da
- b. Ne

Ukoliko je odgovor DA navesti broj posjeta _____

12. Da li je CBS dostavljao sedmične izvještaje prema CIK BiH?

- a. Da
- b. Ne

13. Da li CBS svakodnevno provjerava e-mail poštu?

- a. Da
- b. Ne

14. Ukoliko je odgovor NE navesti razlog neažurnosti

15. Koju opremu posjeduje CBS (Zaokružiti)

- a. Računar i monitor
- b. Printer
- c. UPS
- d. Telefon (Navesti broj) _____
- e. Ostalo

16. Oprema u CBS-u je:

- a. Dodijeljena putem projekta Pasivna registracija 2006. godine
- b. Zamijenjena u periodu 2006 -2010
- c. Zamijenjena u periodu 2010-do danas

17. Da li je elektronska oprema u CBS-u ispravna ?

- a. Da
- b. Ne

18. Ukoliko je odgovor NE navesti razlog

19. Koju vrstu konekcije ima CBS :

- a. SDH Mreža IDDEEA
- b. ADSL (Telekom)
- c. Ostalo
- d. Nema konekciju

20. Da li imate pristup portalu CIK BiH?

- 1. Da
- 2. Ne

21. Ukoliko je odgovor NE navesti razlog

22. Osnovni referat službenika CBS-a je rad u CBS-u

- a. Da
- b. Ne

23. Ukoliko je odgovor NE navesti koji je osnovni referat službenika CBS-a

24. Da li je službenik CBS-a upoznat sa dužnostima?

- 1. Da
- 2. Ne

ukoliko je odgovor NE navesti razlog

25. Da li je službenik CBS-a prošao obuku koju organizuje CIK BiH?

- 1. Da
- 2. Ne

26. Da li službenik CBS-a prima naknadu za rad u CBS-u?

- 1. Da
- 2. Ne

27. Ukoliko je odgovor DA navesti visinu iznosa _____